

Ana Patricia Torres Madureira, na súa condición de voceira do Grupo Provincial Popular na Deputación de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN RELATIVA Ó PROXECTO DE REGADÍO NA COMARCA DA LIMIA, OURENSE**, para o seu debate no pleno da corporación, tendo en conta a seguinte

EXPOSICIÓN DE MOTIVOS:

A comarca da Limia é unha potencia agropecuaria da nosa comunidade, polo que a modernización do seu regadío vai máis aló da necesidade inquebrantable da sustentabilidade da actividade levada a cabo alí. A súa adecuación ao futuro do sector primario debe estar enmarcada nunha pretensión de potenciar tanto o desenvolvemento socioeconómico da zona como o sector agrario dos concellos que a conforman.

O compromiso adquirido polo Goberno galego permitiu dar continuidade a aposta a prol da optimización do regadío da comarca da Limia e, en particular, de catro comunidades de regantes –San Salvador de Sabucedo, Lamas-Ganade, Corno do Monte e Alta Limia–, principais beneficiarias da construción de 40 pozos para a captación de augas subterráneas (falamos de 2.576 hectáreas que beneficiarán a 1.822 agricultores) e da instalación do sistema de bombeo, próximo á súa finalización. Estas actuacións supuxeron un investimento de 7 millóns de euros de fondos autonómicos e grazas a ditas actuacións este proxecto pode continuar co seu desenvolvemento. Ao mesmo tempo, foi o Goberno galego o que negociou a inclusión do proxecto no programa nacional de modernización do regadío 2021-2027, que segundo datos de Ministerio de Agricultura, conta cun investimento global superior aos 2.340 millóns de euros e pretende actuar en arredor de 700.000 hectáreas. Desta cantidade, o que se destina ao proxecto da Limia, 35 millóns de euros, so representa un 1,5%. No convenio firmado coa comunidade de regantes o goberno central asume o financiamento do 80% do investimento, 28 millóns de

euros, e os regantes asumen o 20% restante , 7 millóns, ademais da totalidade do IVE da actuación que non ten carácter deducible. E dicir, os regantes soportan o 41% do coste total.

Esta Deputación Provincial está e estará ao carón dos nosos produtores e regantes e por iso reivindicamos melloras que redunden no beneficio dos produtores desta comarca solicitando ao Goberno central un esforzo adicional que se traduza en novos investimentos para a mellora do regadío e que isto non supoña sobrecustes para os nosos veciños que se podan evitar.

Valoramos moi positivamente o esforzo orzamentario que se está a facer na Comarca da Limia por parte do Ministerio de Agricultura, pero pretendemos un compromiso adicional respecto de asumir a financiación do 80% do IVE, ou que se promova un cambio normativo para que non se repercuta o IVE ós regantes. Ao tempo propoñemos que se revise o esquema de financiamento do convenio para evitar que os regantes teñan que avalar o montante total do seu investimento, o que suporá uns sobrecustos financeiros de preto de 2 millóns de euros.

En adición, demandamos tamén a Xunta de Galicia que se sume ao esforzo adicional que esta Deputación de Ourense fará para colaborar en apoio aos regantes, conseguindo así entre as dúas Administracións o sufragamento do 20% do IVE da actuación.

A estes efectos, desde o Grupo Provincial do Partido Popular, cremos que este esforza adicional por parte das Administracións públicas posibilitarán unha agricultura máis sostible e respectuosa co medio ambiente ao tempo que mellorarán a calidade de vida dos agricultores.

En virtude de todo o exposto, o Grupo Provincial Popular propón ao pleno os seguintes

ACORDOS:

1º. Instar ao Ministerio de Agricultura, Pesca e Alimentación a que promova un cambio lexislativo que permita non repercutir o IVE non deducible aos regantes e no caso de que este non fora posible, asumir a financiación do 80% de dito IVE.

2º. Instar ao Ministerio de Agricultura, Pesca e Alimentación a que revise o esquema de financiamento do convenio para evitar que os regantes teñan que avalar o montante total do seu investimento.

3º. Instar a Xunta de Galicia a que asuma a súa parte da financiación do 20% do IVE da actuación, no caso de que non se acade o cambio lexislativo que permita a súa non repercusión.

Ourense, 05 de febreiro de 2024.

44468060K ANA
PATRICIA
TORRES (R:
V32237471)

Firmado
digitalmente por
44468060K ANA
PATRICIA TORRES
(R: V32237471)
Fecha: 2024.02.05
12:39:59 +01'00'

Asdo. Ana Patricia Torres Madureira.

SR. PRESIDENTE DA DEPUTACIÓN PROVINCIAL DE OURENSE